

Headline	Selangor juara Liga Hoki Piala Ketua Polis Negara - TNB		
MediaTitle	Harian Metro		
Date	15 Jul 2019	Language	Malay
Circulation	112,705	Readership	338,115
Section	Arena	Page No	68
ArticleSize	129 cm ²	Journalist	Dziyaul Afnan
PR Value	RM 15,186		



Selangor juara Liga Hoki Piala Ketua Polis Negara-TNB

Dziyaul Afnan Abdul Rahman
bhnews@nstp.com.my

Kangar: Selangor muncul juara Liga Hoki Piala Ketua Polis Negara - TNB 2019 selepas membenam juara bertahan, Pusat Latihan Polis Kuala Lumpur (PULAPOL) 8-2 pada aksi final di Stadium Hoki Kangar, semalam.

Muhammad Rahimi Iskandar muncul wira Selangor apabila menyumbat empat daripada lapan gol Selangor pada perlawanan berkenaan.

Gol pertama Selangor muncul pada awal permainan menerusi Mohd Azmer Mohd Kamal sebelum PULAPOL menyamakan kedudukan pada minit ke-7 hasil pukulan sudut penalti yang disempurnakan bekas pemain kebangsaan, Baljit Singh.

Selangor menggandakan usaha dan berjaya menjarakan jurang selepas memperolehi gol kedua pada minit ke-9, 18 dan 40 dengan masing-masing dijaringkan Mohd Azmer, Mohd Faizal Reza Mohd Nor dan Mohd Fuad Azis.

Selangor melengkapkan kemenangan bergaya selepas Muhammad Rahimi meledak empat gol pada suku ketiga dan keempat perlawanan meskipun PULAPOL berjaya memperolehi gol kedua hasil jaringan Baljit.

Jurulatih Selangor, Mohd Zaki Hushariq berkata, persefahaman tinggi antara pemainnya membuahkan hasil yang mendorong kemenangan berkenaan.

"Tahun lalu kami kecundang di suku akhir. Tahun ini kami berjaya muncul juara. Meskipun kehilangan beberapa tonggak, namun pemain muda yang menyertai pasukan kali ini bermain baik dan menyuntik semangat," katanya ketika ditemui selepas perlawanan.

Sementara itu, dalam saringan Liga Divisyen Satu, Kelantan menewaskan Melaka 3-2.

Majlis penyampaian hadiah disempurnakan Timbalan Pengarah Cawangan Khas 2 Bukit Aman, Datuk Rosly Abas dengan diiringi Ketua Polis Perlis, Datuk Noor Mus-har Mohd.